

SUKAN MALAYSIA IX, 2002
PERATURAN PERTANDINGAN MEMANAH
(LELAKI & WANITA)

1.0 PERATURAN AM

- 1.1 Selain daripada peraturan-peraturan yang terkandung, pertandingan ini akan dijalankan mengikut Undang-Undang **International Archery Federation (FITA)**.
- 1.2 Sekiranya timbul sebarang perselisihan dari segi pentafsirnya, maka Undang-Undang dalam Bahasa Inggeris yang terkini akan dipatuhi.
- 1.3 Kejadian di luar dugaan dan tidak dinyatakan dalam peraturan berkenaan akan diputuskan seperti berikut :-
 - 1.3.1 Sebarang kejadian akan diputuskan berasaskan kepada **PERATURAN AM SUKAN MALAYSIA IX, 2002**.
 - 1.3.2 Sebarang perselisihan teknikal akan diputuskan berasas kepada Undang-Undang International Archery Federation (FITA).
- 1.4 Sebarang keputusan yang dibuat oleh Jawatankuasa Teknikal dan Pertandingan SUKAN MALAYSIA IX, 2002 adalah muktamad.

2.0 TARIKH PERTANDINGAN

09 Sept hingga 13 Sept, 2002.

3.0 TEMPAT PERTANDINGAN

Kompleks Sukan Kota Kinabalu,
Kota Kinabalu
Sabah

4.0 PENYERTAAN

- 4.1 Penyertaan adalah terbuka kepada semua pasukan Negeri, Polis DiRaja Malaysia (PDRM), Universiti-Universiti Malaysia (MASUM) dan Majlis Sukan Sekolah-Sekolah Malaysia (MSSM). Penyertaan hendaklah dibuat melalui Majlis Sukan masing-masing.
- 4.2 Setiap Negeri, PDRM dan MASUM hanya boleh mendaftarkan satu (1) pasukan lelaki dan satu (1) pasukan wanita terdiri daripada :-

	Lelaki	Wanita
Pengurus Pasukan	1 orang	-
Jurulatih	1 orang	1 orang
Pengadil	1 orang	-
Peserta	<u>4 orang</u>	<u>4 orang</u>
JUMLAH	<u>7 orang</u>	<u>5 orang</u>

- 4.3 Bagi kontinjen yang tidak berkemampuan untuk menghantar pasukan (kurang dari 4 peserta) boleh mengambil bahagian untuk menyertai acara individu.

5.0 KELAYAKAN PESERTA

- 5.1 Hanya peserta yang lahir pada tahun 1981 dan selepasnya sahaja layak didaftarkan oleh sesuatu pasukan.
- 5.2 Semua pasukan hendaklah mengemukakan dua (2) salinan Kad Pengenalan, dan tiga (3) keping gambar berukuran Pasport Antarabangsa bagi setiap peserta bersama Borang Pendaftaran peserta. Bagi peserta PDRM, kesahihan tarikh lahir hendaklah disahkan oleh Pengerusi/Setiausaha Majlis Sukan PDRM. Peserta yang dipilih daripada anggota Angkatan Tentera Di Raja Malaysia hendaklah menggunakan kad pengenalan BAT C 10 sebagai pengenalan rasmi masing-masing. Semua peserta yang menggunakan dokumen pendaftaran JPN 1/9 atau 1/11 mestilah disahkan oleh Jabatan Pendaftaran Negara, Petaling Jaya sahaja.
- 5.3 Hanya peserta yang didaftarkan dengan Yuran pendaftaran RM 20.00 seorang mengikut Peraturan Am

Perkara 6.2 sahaja yang layak menyertai pertandingan ini.

- 5.4 Peserta-peserta gantian yang dikemukakan selepas tarikh tutup pendaftaran/semasa taklimat Pengurus Pasukan akan dikenakan Yuran Pendaftaran RM 20.00 seorang. Gantian peserta hanya boleh dilakukan kepada peserta yang telah didaftarkan sebelum tarikh tutup pendaftaran. Semua Yuran Pendaftaran peserta tidak akan dikembalikan.
- 5.5 Tertakluk kepada Peraturan Am Perkara 20.7, peserta yang berkhidmat dengan PDRM dan pelajar-pelajar yang sedang menuntut di Pusat Pengajian Tinggi yang bergabung dengan MASUM tidak boleh mewakili mana-mana kontinjen/negeri kecuali mendapat kebenaran bertulis daripada Majlis Sukan berkenaan.
- 5.6 Atlet-atlet yang sedang menuntut di pusat-pusat pengajian tinggi yang mendapat dermasiswa/biasiswa daripada Kerajaan negeri hendaklah dibenarkan mewakili negeri yang menaja mereka.
- 5.7 Seseorang peserta kebangsaan hanya dibenarkan menyertai seperti mengikut Peraturan Am Perkara 4.6.
- 5.8 Taraf permastautin peserta adalah tertakluk kepada Peraturan Am Perkara 20.11

6.0 TAKLIMAT PENGURUS PASUKAN

- 6.1 Taklimat Pengurus Pasukan akan diadakan satu (1) hari sebelum hari latihan rasmi (Official Training) dijalankan.
- 6.2 Pengurus-Pengurus Pasukan dikehendaki mengemukakan senarai nama peserta beserta dengan Kad Pengenalan atau Pasport Antarabangsa, dokumen pendaftaran, JPN 1/9 atau JPN 1/11 yang asal untuk disahkan. Tambahan kepada bilangan peserta yang telah didaftarkan tidak dibenarkan.
- 6.3 Senarai peserta yang disahkan semasa Taklimat Pengurus Pasukan adalah muktamad.

7.0 ACARA-ACARA

7.1 Acara yang akan dipertandingkan ialah Single FITA dan diikuti dengan pusingan Olimpik (olympic round) dalam jangka masa lima (5) hari termasuk hari latihan rasmi (sighters day) yang diadakan satu (1) hari sebelum hari pertama dijalankan. Acara-acara yang dipertandingkan ialah seperti berikut :-

7.1.1 Lelaki

- i. Acara jarak 90m
- ii. Acara jarak 70m
- iii. Acara jarak 50m
- iv. Acara jarak 30m
- v. Perseorangan (pusingan olimpik)
- vi. Berpasukan (pusingan olimpik)

7.1.2 Wanita

- i. Acara jarak 70m
- ii. Acara jarak 60m
- iii. Acara jarak 50m
- iv. Acara jarak 30m
- v. Perseorangan (pusingan olimpik)
- vi. Berpasukan (pusingan olimpik)

7.2 Pemenang bagi setiap jarak akan ditentukan daripada mereka yang telah memungut jumlah mata terbanyak pada jarak-jarak yang dipertandingkan.

7.3 Pemenang keseluruhan akan ditentukan daripada keputusan pertandingan Olimpik Round.

8.0 JADUAL PERTANDINGAN

8.1 Hari Pertama - Sighters

- 8.2 Hari Kedua - Pertandingan jarak Pagi (90m, 70m)
Petang (70m, 60m)
- 8.3 Hari Ketiga - Pertandingan jarak Pagi (50m, 30m)
Petang (50m, 30m)
- 8.4 Hari Keempat - Olimpik Round (individu)
- 8.5 Hari Kelima - Olimpik Round (berpasukan)

9.0 MASA MELAPORKAN DIRI

- 9.1 Setiap pasukan dikehendaki melaporkan diri kepada Ketua Hakim (Chief Judge) kejohanan untuk pemeriksaan peralatan pertandingan (Tackle Inspection) pada hari latihan rasmi.

10.0 PENGADIL (HAKIM/PEGAWAI PERTANDINGAN)

- 10.1 Persatuan Memanah Kebangsaan Malaysia dengan Kerjasama Jawatankuasa Teknikal dan Pertandingan SUKAN MALAYSIA IX, 2002 bertanggungjawab untuk melantik tidak kurang dari lima (5) hakim yang bertauliah.
- 10.2 Pengarah Pertandingan dan Delegat Teknikal akan dilantik oleh Persatuan Memanah Malaysia yang akan berhubung terus dengan Jawatankuasa Teknikal dan Pertandingan SUKMA IX, 2002.

11.0 BANTAHAN/TATATERTIB

- 11.1 Setiap pasukan boleh membuat bantahan. Hanya Pengurus Pasukan sahaja dibenarkan membuat bantahan. Bantahan hendaklah dibuat secara bertulis

disertakan dengan wang pertaruhan sebanyak RM 200.00 tunai.

- 11.2 Wang pertaruhan akan luput jika bantahan yang dikemukakan itu didapati tidak wajar.
- 11.3 Setiap bantahan hendaklah dihantar kepada Pengarah/Pegawai Pertandingan dalam masa tiga puluh (30) minit selepas pertandingan itu tamat (berpandu kepada undang-undang FITA, Artikel 150)

12.0 JURI RAYUAN/TATATERTIB

- 12.1 Perlantikan Jawatankuasa Bantahan/Tatatertib dan Prosedur Aturcara Mesyuarat adalah seperti yang digunakan oleh Persatuan Memanah Malaysia seperti berikut :-
 - 12.1.1 Pengarah Pertandingan
 - 12.1.2 Setiausaha Jawatankuasa Pengelola
 - 12.1.3 Tiga (3) orang Pengurus Pasukan yang tidak terlibat dalam kes bantahan/tatatertib
- 12.2 Ketua Delegat Teknikal adalah Pengerusi Juri Rayuan mengikut para 15.2 Peraturan Am SUKAN MALAYSIA IX, 2002.
- 12.3 Juri rayuan/tatatertib akan bersidang dalam masa dua (2) jam setelah menerima laporan dari Pengadil atau Pegawai Pertandingan dan membuat sesuatu keputusan.
- 12.4 Jawatankuasa Bantahan/Tatatertib berhak mendapat sebarang maklumat daripada mana-mana pihak yang berkaitan dengan perkara yang dibincangkan untuk membuat sesuatu keputusan.

12.5 Semua keputusan yang dibuat oleh Juri Rayuan/Tatatertib Pertandingan Memanah SUKAN MALAYSIA IX, 2002 adalah muktamad.

13.0 HADIAH-HADIAH

13.1 Pingat-pingat akan disediakan seperti berikut :-

	EMAS	PERAK	GANGSA
Lelaki			
Acara jarak 90m	1	1	1
Acara jarak 70m	1	1	1
Acara jarak 50m	1	1	1
Acara jarak 30m	1	1	1
Perseorangan P. Olimpik	1	1	1
Berpasukan P. Olimpik	1 (4)	1 (4)	1 (4)
JUMLAH	6 (9)	6 (9)	6 (9)
Wanita			
Acara jarak 70m	1	1	1
Acara jarak 60m	1	1	1
Acara jarak 50m	1	1	1
Acara jarak 30m	1	1	1
Perseorangan P. Olimpik	1	1	1
Berpasukan P. Olimpik	1 (4)	1 (4)	1 (4)
JUMLAH	6 (9)	6 (9)	6 (9)

13.2 Pemberian pingat-pingat kemenangan adalah tertakluk kepada Peraturan Tetap 14.3.

Disediakan Oleh :-

Jawatankuasa Teknikal dan Pertandingan
SUKAN MALAYSIA IX, 2002

peraturan am sukma 2002/MEMANAH/230301/AZHAR